



16
Broj: 10-38-12507-9/17.
Bihać, 30.06. 2017.godine

VISOKA MEĐUNARODNA
ŠKOLA CAZIN
BROJ: 01-186/17
DATUM: 05.07.2017.

Na osnovu člana 200. stav (1) Zakona o upravnom postupku („Službene novine Federacije Bosne i Hercegovine“ broj: 35/05), člana 13. tačka e) i h) Zakona o visokom obrazovanju („Službeni glasnik Unsko-sanskog kantona“, broj: 8/09, 9/10, 4/11, 6/13, 11/15 i 13/14) i Pedagoških standarda i normativa za obavljanje djelatnosti visokog obrazovanja na području Unsko-sanskog kantona („Službeni glasnik Unsko-sanskog kantona“, broj: 12/12), ministar Ministarstva obrazovanja, nauke, kulture i sporta Unsko-sanskog kantona d o n o s i:

R J E Š E N J E

1. **Visoka međunarodna škola, Cazin ispunjava uvjete za studijske programe:**
 - a) Finansije i bankarstvo
 - b) Pedagogija i psihologija
 - c) Drumski i gradski saobraćaj
 - d) Zdravstvo (Sestrinstvo, Fizioterapija i Sanitarni inženjering)
2. **Visoka međunarodna škola, Cazin, obavezna je osigurati svim studentima koji su upisani zaključno sa akademskom 2016/17. godinom na studijskim programima: Agromenadžment, Menadžment javne administracije, Socijalni rad, Specijalna edukacija i rehabilitacija i Sigurnost, završetak studija u skladu sa zakonskim propisima.**
3. **Obavezuje se Visoka međunarodna škola, Cazin, da prije početka svake akademske godine, a prije raspisivanja konkursa za upis studenata, pribavi saglasnost Ministarstva za upisnu kvotu po odobrenim studijskim programima.**
4. **Obavezuje se Visoka međunarodna škola, Cazin, da prije upisa studenata za svaku akademsku godinu dostavi Ministarstvu plativu garanciju u slučaju prestanka rada visokoškolske ustanove.**

O b r a z l o ž e n j e

Ministrica Ministarstva obrazovanja, nauke, kulture i sporta donijela je Rješenje broj: 10-38-12507-8/17. od 27.2.2017.godine, kojim je utvrđeno da međunarodna škola Cazin, na adresi Mala Lisa bb, ne ispunjava uvjete za obavljanje djelatnosti visokog obrazovanja za izvođenje studijskih programa: Agromenadžment, Menadžment javne administracije, Pedagogija i psihologija, Socijalni rad, Specijalna edukacija i rehabilitacija, Sigurnost, Sestrinstvo, Fizioterapija, Sanitarni inženjering i Drumski i gradski saobraćaj. Visokoj međunarodnoj školi Cazin, dat je rok od 60 dana da ispuni slijedeće uvjete: donošenje statuta, ispunjenje uvjeta propisanih članom 26. stav (1) Zakona o visokom obrazovanju, osiguranje sredstava u skladu sa članom 26. stav (2) Zakona o visokom obrazovanju u vidu bankarske garanciju na prvi poziv u trajanju od godinu dana ili u vidu hipoteke u dvostrukoj vrijednosti školarine od broja upisanih studenata.

U propisanom roku međunarodna škola dostavila je ovom Ministarstvu dokaze o ispunjenosti uvjeta za obavljanje djelatnosti visokog obrazovanja i to: za šest (6) studijskih programa: Drumski i gradski saobraćaj, Pedagogija i psihologija, Finansije i bankarstvo, Sestrinstvo, Fizioterapija i Sanitarni inženjering, Statut Visoke međunarodne škole, ispunjenost uvjeta propisanih članom 26. stav (1) Zakona o visokom obrazovanju i osiguranje sredstava u skladu sa članom 26. stav (2) Zakona o visokom obrazovanju u vidu plative bankarske garancije broj:1403066220614150, SBERBANK BiH.d.d.

Uvidom u dostavljene nastavne planove utvrđeno je da isti sadrže nazive studijskog programa, dužini trajanja studija, nazive predmeta (obaveznih i izbornih) sa brojem predavanja i vježbi i brojem